

# Powšitkowne WOZJEWJENJA

njedźelu, 31. meje 2020

## Wusyłanja Božich službow live

Serbskorěčnu Božu mšu swjatkowničku, 31. meje, móža wěriwi znowa jako livestream w interneće sčehować. Dupołdnja we 8.30 hodž. přenjesje so wona z Kulowskeje cyrkwy, ale tutu njedźelu posledni raz. Z Ralbic wusyła so Boža mša njedźelu toho- runja we 8.30 hodž. přez livestream, ale jeničce za słuchanje. Linki k wusyłanjam su stajnje aktualnje na internetowej stronje [www.posol.de](http://www.posol.de) podate. Swjatkownu pónđzelu, 1. junija, budže MDR Serbski rozhłós Božu mšu w 9 hodž. z Róžeńčanskeje cyrkwy wusyłać. Tam su městna po koronowych předpisach wobmjezowane. Wěriwi měli po možnosći w swojich wosadach kemši hić.

## Rozžohnowanje a witanje live w interneće

Boža mša, na kotrejž rozžohnuja swjatkownu pónđzelu, 1. junija, w 14.30 hodž. dotal- neho Kamjeničanskeho propsta Clemensa Hrjehorja a noweho fararja Benna Schäff- la zapokazaja, wusyła so live mjez druhim w interneće. Zajimcy nańdu k tomu link pod [www.posol.de](http://www.posol.de).

## Swjatki we Vatikanje

Koronoweje pandemije dla swjeći bamž Franciskus Božu mšu swjatkowničku, 31. meje, w 10 hodž. bjez wobdželenja zjawnosće. Vatikanske medije kemše přenjesu.

## Wustajeńca wo jutrach w Serbach

Nałožki, kotrež so wokoło jutrow w Hornjej a Delnej Łužicy, w katolskich kaž tež ewan- gelskich kónčinach pěstuja, předstaja wustajeńca „Jutry w Serbach“ w Budyskim Serb- skim muzeju. Ju wobohaćeja twórby serbskeho wumělca Marija Ošiki, na přikład „Kři- žowy puć“. Wosebita wustajeńca wostanje hač do 23. awgusta přistupna.

## Přehlad nowych planowanych terminow

wosada	swjate woprawjenje	firmowanje
Bačoń	dotal njejasne	dotal njejasne
Budyšin	20. septembra (serbske), 27. septembra (němske)	15. nowembra
Chrósćicy	12. julija, 26. julija	11. oktobra
Kulow	11. oktobra	15. nowembra
Njebjelčicy	dotal njejasne	dotal njejasne
Radwor	28. junija	dotal njejasne
Ralbicy	21. junija, 28. junija	18. oktobra
Wotrow	5. julija	4. oktobra